

江油縣志卷之六

津梁志

西平浮橋在縣東關外里許卽古渡也向以舟渡人同治六年舟覆溺人數十監生王志順同弟例貢志和姪守備銜德成捐貲創建今志順孫監生齊祐照常經理普善浮橋在中壩場東門外卽馬家沱渡口向以舟渡人索錢始渡往來者恒苦不便道光咸豐間里人坦恂文彥募捐創建

三元橋在縣南三十里崖嘴頭中壩街鄉士民同建跨隄成梁爲黃金對河雷鳴三堰水源

江油縣志

卷之六

津梁

大橋在中壩場小西門外接太平場街道光九年里人楊成傑劉金柱倡修名福緣古橋

小橋在中壩場南門外接太平場街里人楊成傑劉金柱倡建光緒十五年被水沖塌募修加高二十八年大水又圯籌捐重建名福善小橋

紙市橋在中壩場大西門外亦楊劉倡建光緒十五年二十八年兩被水壞均募修加高

豬市橋在中壩場堡外柴市街前亦楊劉倡修光緒十五年二十八年兩被水壞均募建如前

龍泉橋在縣東三十里龍泉場內下爲碧波潭水中石穴

與龍泉寺佛座相通每當山水暴發水石相激有聲旱
年禱雨輒應嘉慶時熊張二姓募修卽舊志龍潛橋

江村鐵索橋在縣東百餘里長四丈濶七尺費千金有奇
同治八年杜登貴募修兩岸石山壁立有樹高聳如傘
下有古洞可容數百人

望萱橋在縣東五十里咸豐元年千總銜竇凌雲念母甚
切因建此橋以望其墓故名

會龍橋在縣東北一百六十里會龍場同治八年回教閔
應元建

全義橋在縣東北一百八十里卽雁門場上河大板橋閔
江油縣志

卷之六 津梁

應元建應元初建會龍橋不惜千金及此橋成每年搭
撤之費皆獨力承任永遠遵行立有碑記

穎川橋在雁門場外三里光緒十年賴壽峯建

小龍橋在縣東七十里邑人王志綱募修

蘭桂橋在縣北關外嘉慶四年徐永川以得子獨立建修

登龍橋在縣北八里通龍安路

姜公橋在縣南二里因知縣姜炳璋修堰故名

神龍橋在縣東八十里通梓潼要道邑人何章建

彭江橋在縣東六十里上通梓劍下通棉安乾隆三十二

年李順玩募建

知心橋在縣東六十里乾隆三十五年建橋近心珠寺因以知心名

雙鎖橋在縣東一百里通梓潼劍州要道嘉慶元年建

仙女橋在縣南五里昔竇子明修道遇仙女處

高龍橋在縣南二里監生廖漸富修

小溪橋在縣東八十里邑人何章建

興龍橋在縣東七十里乾隆三十九年李良才募修

楊安橋在縣東六十里乾隆二十七年楊鳳山建

瞿家橋在縣東十里乾隆二年貢生瞿南來建修嘉慶九

年生員瞿成已重修

江油縣志

卷之六

津梁

三

登岸橋在縣東七十里李正鳳弟兄建

熊家橋在縣南三十五里乾隆三十年庠生熊瑀建

三多橋在縣東二十里署浙江上虞縣典史邑人倪文昭

創建

天成橋在縣東二十里任如突修

八洞橋在縣東五十里西寺埡

永定橋在縣東九十里舊名倒石橋爲江梓交界

養善橋在縣東五十里側有點江亭

福星橋在縣東三十里牌坊壩嘉慶十三年觀音寺僧源

樞修旁豎惜字爐

同興橋在縣東劉家壩同治間劉運新募修
天生橋在縣東北六十里正德十五年建
萬年橋在縣南二十五里邑庠生趙宜昌修
石佛橋在縣南七里

樂善橋在縣西北碑子壩咸豐元年候選訓導胡紹虞倡
修同治八年監生陳浩善重修

龍石橋在舊縣壩通石泉通口路同治六年候選訓導胡
紹虞創建

悅來橋一在縣東四里關河口一在縣西十五里大康場
道光三十年里人胡壽馨募建光緒七年教職胡翊臣

江油縣志

卷之六

津梁

四

增生陳煥新重修

大石橋在大康場道光中里人公建通大印山要路

榮茂橋在下庄壩通石泉路光緒九年里人楊天友募修

小河橋在筏子頭道光十三年文生田思茂募修

蒙刺橋距黎雅場五里又三義橋清平橋俱在此場

松雲橋在虹馳灘上流光緒己亥何永通募建

天心橋在虹馳灘側大小江兩水相交處

永安橋一在東興場外光緒元年史申温王石譚郭七姓

建一在雙板場通重華樞青林口路

登僊橋在東興場外隆慶寺僧通喜創修

積壽橋在縣東北百七十里楊家壩善士羅國興楊林壽
楊鳳滿募修

五洞橋在金龍場西五里

化龍橋在金龍場南二里

黃家橋在新店場東四里

春生橋在縣南四十里距新店場五里善士張崇禮建

文星橋在新店場北四里監生柯森募修立碑於石堰子

岸上教職柯時茂作記

鄧家橋距新店場四里節古桂花潭同治二年重修廩生

劉光奎作碑識

江油縣志

卷之六

津梁

五

迴瀾橋在雙板場外南二壩子北今遺石橋二洞

天心橋距雙板場東五里

鯉魚橋距雙板場十餘里

恒濟橋在縣東七十里光緒二十三年義士李成銀建

張家橋在縣東五十里乾隆三十五年義士張以才建

三龍橋在縣東七十里光緒八年重建

義興橋在縣東六十里光緒二十七年監生劉光興募修

孫家溝橋光緒初年鍾張等姓募建侍衛歐培極踩橋

萬家橋有二一在縣東一百一十里一在縣東六十里

龍潭橋有二一在縣東五十里邑人王志綱修一在龍潭

堰上道光間熊象翮募修

永豐橋在縣南三里

通濟橋在縣東四十里

南家橋在縣南三里

永安橋在縣南十五里

復古橋在縣南十六里

公濟橋在縣南三十里嘉慶七年修

伍家橋在縣南五里

安鳳橋在縣南二十里

新龍橋在縣東七十里乾隆三十九年張崇臣建

江油縣志

卷之六

津梁

六

世音橋在縣東七十里乾隆二十五年建

積慶橋在縣東七十里嘉慶十二年建

香林橋在縣東五十里乾隆三十四年建

廖家橋在縣東二十里

砥柱橋在縣東三十里

現龍橋在縣東四十里嘉慶元年建

高板橋在縣東五十里

運興橋在縣東新店場側乾隆四十七年建

雙龍橋在縣東二十里

天生堰橋一在縣東繭市壩一在縣南撈坪壩

余家橋在縣東二十五里

黃連橋在縣西北八十里

小拱橋在縣東關外李子園

呂家橋 任家橋 復永橋 三星橋

新興橋 復興橋 合江橋 雙河橋

廻龍橋 待全橋 柳堰橋 龍漩橋

聯陞橋 尙昇橋 清平橋 利濟橋

作新橋 新貴橋 種德橋 豐樂橋

定遠橋 濟慰橋 迎龍橋 日新橋

安平渡在縣北關外二里通陽亭壩上路

江油縣志 卷之六 津梁

江村渡在縣北六十里

雍村渡在縣西十五里嘉慶四年歲貢胡明良等募設

太白渡在縣西三十里

觀音灘渡在縣南四十里

撈坪壩渡在縣南十五里

李德智渡在縣南二十五里

張村渡在縣東八十里通梓潼路

龍門渡在縣北八里登龍橋

濟公渡在縣南四十里古係竹村渡往來行人絡繹不絕
實要津也咸豐元年監生康濟川倡義募捐造船二隻

夏秋渡舟冬春搭橋置買田宅以作歷年經費自此遠
近利涉行人稱便

建中渡在縣南四十里

虹馳義渡在縣東百里光緒十四年監生劉盛喜倡設

雁門場義渡二處在縣東北一百八十里光緒初王日發

彭正文王正邦先後添助鉅款以爲永遠義渡

延慶渡在舊縣壩延慶寺側里人胡在興賀大忠捐設

黃鍋渡在筏子頭又孟家渡李家渡亦在其地

孫家渡在馬溺水

繆家渡在縣二十里

江油縣志

卷之六

津梁

八